

Hopi interes pa presentacion di buki 'Augustus Scur'

PALM BEACH – Diasabra anochi Sr. Evert Bongers a presenta su prome buki cu a hiba comp titulo 'Augustus Scur' na e teatro den aire liber na Paseo Herencia. Tabata tin interes masha grandi mes pa cu e buki aki, ya cu e ta conta di e dianan pisa y scur cu tabata tin durante di Augustus na aña 1977 ora cu Aruba tabata lucha pa su Status Aparte.

Fuera cu tabata tin presentacion di e buki aki tambe tabata tin presentacion musical di Grupo di Betico, cu tabata e grupo cu a wordo lanta pa e fayecido Betico Croes, cu sin duda algun tabata un di e personanan cu a lucha duro pa Aruba por a yega asina leu. Durante di e anochi aki tambe algun di esnan cu tabata presente y a forma parti di un forma of otro di e lucha di e dia nan aki tambe a conta nan storia. Un cantidad grandi di hende a cumpra e buki mes ora despues di su presentacion. E ta obtenibel na tur liberia rond di Aruba pa esnan cu no a haya oportunidad I cumpra e ainda.

